

Zeitschrift: Nebelspalter : das Humor- und Satire-Magazin
Band: 138 (2012)
Heft: 2

Artikel: Amtliche Mitteilungen : Umgang mit Behörden
Autor: Stricker, Ruedi
DOI: <https://doi.org/10.5169/seals-913200>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 08.05.2025

ETH-Bibliothek Zürich, E-Periodica, <https://www.e-periodica.ch>

AMTLICHE MITTEILUNGEN



Umgang mit Behörden

Im Ufftraag vom Kanton hämmer s'Wichtigschd zemmetreit, wonner mönnd wüsse, wenn er ab 2012 mit de Behörde oder mit emme Schaatsbetrieb ztue hend ☺. Oder nöd wennnd ztue haa ☺.

Erschtens — Höörid uf bi de Wahle ond Abschtimmige efach emm i de Gmäänd en SMS z'schicke ond gönd wie früener offd Hompeidsch. Mer chömmid sūs e Puff über – lol.

Zweitens — Di sebe im Gaschtgwerb, wo vor em ligang aaschribid, was z'Mittag gitt, mönd si nöd wondere, wenn ke Arbeiter vom Bau inichömid, wenn's Züüg wie «Südwöoscht» oder «Teiti Bere» schriibid. Wie söll en Portugies da vestooh, wenn nöd emol an Aargauer wäs, wa da hässt. Im Fall: Aargauer sönd o Schwizer ;-).

Drittens — Da hani wide möse striiche. Em Gmendschriber hett's nöd passt. Abe da passt zo dem Tubel. (Hoi zämme vo de Voostufe: Schtrichid da vorem Bublizierte!!) [Kommentieren](#)

Viertens — A de Beerdigunge mönnder i Zuekumft s' iPhone abgee. Wommer de Päde vegra-be hennd, hetts a paa ggee, wo off YouTube desebe geil Sound vo de Mary J Blige ggloset hennd. Da goht nö.

Föf — De Abwart vom Schuelhuus ischt etz off Facebook onder «Huusdrache_B». (Desebe wo am Mecktig im Butzruum de Fülllöcher abloo hed, chasi bis am 31. melde, ohni dass e Stroofaazeig git.) [Gefällt mir](#).

Sextens — Wenn er vill über de Zebraschtreife lauffid, sötteder ke Baggies ahaa. Leggid normal Hose a. (Erläuterung: Letscht Woche ischt e ganze Klass vo de Kanti i dere blöde Hose über de Fuessgängerstreife ond hed en Shtau bis zo de Mehrzweckhalle verursacht. Da good o nömm.) [Gefällt mir nicht mehr](#)

Siebtens — Bi de Poschtautohaltschtell «Rank» liggid öppe tuusig lääri Bierfläsche. D'Eigetümerschaft chas dött go hole.

Acht — Im Februar chont en Infanteriekompanie de Chindergarte gege d'Japaner go veteidige. Mer erinnerid draa, dass verbotte ischt a) schlofends ond bewaffneds Personal z'verschrecke. Da cha böös usgoo. b) bsoffni Soldate z'provozieren. Vor allem im Schtrosse-vekehr c) Bim Fourier fö Suppe ond abgloffni Sosewörfel z'bettle. Kabutti War mos er vebrenne oder selber esse. Wenner mee mönd wüsse, rüeffid de Link <http://www.vbs.admin.ch/internet/vbs/de/tools/finde.html> uff.

Nünntens — A de Volkshochschul sönd di neue Kürs tüürer worde. Uusnahme: «Dreisatz-rechnen für Akademiker» onnd «Onlinemarketing für Sexarbeiterinnen». S' neu Reglement chönnder gratis abelade onnder <https://Voho/Kurse/de.html>.

Zeehh — Fö Zuezüger gitts e neu Integrationsplattform. Onder anderem hett's dött scho en Online-Übersetzungshilf für Innerrhodisch, Kurzenbergisch onnd Neutütsch. S' Programm wird laufend uusbaue, för Migrante onnd inländischi Sans Papier gitt's a Blended Learning Programm för Gebärdeschprooch onnd Piktogramm.

Elf — Offizielli Amtssprooch i öserem Bezirk ischt ab 1. Hornig d'Veersion B vom Sproochwüseschaftliche Verein Tüüfe-Hasle. Di eerschte Kürs cha mer scho bsueche ☺.

Zwölf — Diesebe, wo d'Armeewaffe nöd is Züüghuss wend tue ond dehee ke Blatz hend oder nöd wenn, dass d' Goofe demit schbilid, chönds is Füllwehdepot abebring. Offe ischt, wenn's brennt oder bi Üebige. Ond sūs efach vor d' Töre anestelle ond en Zedel mit em Name ane-chleebe.

Dreizä — «Ehe- und Schlagringe sind keine Kleidungsstücke.» (Urteil 65.128/2010 des Obergerichts gegen den Nacktwanderer Kai D.).

Gelegenheit: Gratis
– in die Karibik

Nachdem mich der Hausarzt mehrfach verwarnet hat, werde ich seinen Rat befolgen und Eheferien machen. Mit dem Arbeitgeber habe ich mich bereits verständigt; er ist damit einverstanden, dass ich während der Betriebsferien das Gebäude hüte und nachts in einem Hotel am Stadtrand übernachte. Noch nicht gelöst ist das Problem mit meiner Gattin; ich suche daher einen Freiwilligen, der sie für zwei Wochen in die Karibik begleitet und ihr dort maximal fünf Stunden pro Tag zuhört und ihr am Strand den Rücken einreibt. Geeignete Personen melden sich bitte dringend unter Postfach 2888, 9998 Untermoos.

Sie haben eine Haftpflichtversicherung? Sie sind unser Mann!

Unglücklicherweise ist am letzten Wochenende unser gläserner Esstisch in die Brüche gegangen, weil der missratene Sohn meiner Frau seinen Bohrer draufgeknallt hat. Da wir unserer Versicherung in den letzten Monaten schon sieben Fälle gemeldet haben, suchen wir nun eine vertrauenswürdige Person mit einer guten Haftpflichtversicherung, die am letzten Wochenende hier gewesen und den Tisch beschädigt haben könnte. Selbstverständlich würden wir uns diesen Freundschaftsdienst etwas kosten lassen. Interessenten melden sich unter Chiffre 44B/SFQ83 455 beim Tagblatt des Bezirks.



Die Gewinner des «Nebi»-Kreuzworträtsels
(Nr. 1/2012):

1. Preis (zwei Übernachtungen für zwei Personen im Fünfstern-Hotel Kulm Arosa im Sommer 2012)
Margrit Aeschlimann, 6004 Luzern

2. – 5 Preis (je eine «Nebelspalter» Isosteel-Bottle)
Andreas Mosimann, 9212 Arnegg
Regine Siegenthaler, 2824 Vicques
Monika Schyrr-Hägi, 8408 Winterthur
Vreny Widmer, 4106 Therwil

Nächste Verlosung: 22. März 2012